

寅 12

6246.

經
疏
輯
要



本草經疏輯要卷八目錄

果穀菜部

藕節蓮子蔬
鬚蓮蓬殼

橘皮青皮
核葉

芡實

大棗

梅實
白梅烏梅

木瓜

柿
乾柿柿
霜柿蒂

枇杷葉

荔枝核

桃仁
桃梟

杏仁

梨

橄欖

胡桃

山查

海松子

龍眼

榧實

蒟薺

甘蔗

白沙糖
紫沙糖



本草經疏輯要卷八

海虞後學吳世鎧懷祖纂

果穀菜部

藕味甘平無毒主熱渴散留血生肌久服令人心歡蒸煮食大能
開胃生食治霍亂後虛渴搗浸澄粉服食輕身益年 藕節味瀋
平無毒搗汁飲主吐血不止及口鼻出血 蓮子味甘平無毒主
補中養神益氣力除百疾久服輕身耐老不飢延年 蓮莖鬚味
甘澀溫無毒主清心通腎固精氣烏鬚髮 蓮蓬殼味苦瀋溫無
毒主止血崩下血溺血



藕稟土氣生於污泥之中體至潔白味甚甘脆孔竅玲瓏絲綸
內隱水果中之嘉品生者甘寒能涼血止血消瘀醒酒解毒
熟者甘溫能健脾開胃消食止洩益血補心蓮子得天地精華
之氣稟土中沖和之味入心脾胃經日華主止渴去熱安心止
痢治腰痛及洩精多食令人喜皆取其補益心脾之功蓮薏鬚
乃心腎經藥也古方固真補益方中往往用之其功大抵與蓮
子同蓮蓬殼陳久者良時珍曰入足厥陰血分消瘀散血急則
治標也 生藕汁同生地汁童便各半盞煎溫服治傷寒口乾
及產後悶亂血氣上衝口乾腹痛 石蓮子得黃連白芍白藕

濁遺精

久痢噤口

崩漏不止

豆乾葛升麻紅麴橘紅甘草滑石烏梅爲丸治滯下如神

黃連人參水煎細呷治下痢飲食不思名噤口痢此證大危服

完思食便瘥 同菟絲子五味子山茱萸山藥車前子肉豆蔻

砂仁橘紅芡實人參補骨脂巴戟天治脾腎俱虛五更溏瀉有

肺熱者去人參肉豆蔻 同龍骨益智等分爲末每服二錢空

心米飲下治白濁遺精 單用炒爲末每服二錢陳倉米湯調

下治久痢噤口甚妙 蓮蕊鬚同黃檗砂仁沙蒺藜魚膠五味

子覆盆子甘草牡蠣作丸治夢遺精滑最良 蓮蓬殼同荆芥

穗各燒存性等分爲末每服二錢米飲下治血崩不止不拘冷

熱 燒存性研末井泥調塗天泡溼瘡神效 蓮子脾家果也

於諸病無迕石蓮子乃經霜後采堅黑如石者破房得之鹽水入泥者更良肆中以廣中樹上木實偽充其味大苦不入藥用

橘皮味辛溫無毒主胸中瘕熱逆氣利水穀下氣止嘔欬除膀胱留熱停水五淋利小便主脾不能消穀氣衝胸中吐逆霍亂止洩去寸白蟲久服去臭下氣通神 青皮味苦辛溫無毒主氣滯下

食破積結左脇肝經積氣胸膈逆氣小腹疝氣消乳腫疎肝膽氣核味苦平無毒主小腸疝氣及陰核腫痛炒研酒服良 葉味

苦平無毒主導胸膈逆氣行肝氣消腫散毒乳癰脇痛用之

橘皮花開於夏成實於秋得火金之氣味薄氣厚降多升少陽
中之陰也入肺脾胃經辛散苦泄溫通能燥脾家之溼使滯氣
得以運行留白者補胃和中去白者消痰理肺同白朮則補脾
同甘草則補肺同補氣藥則益氣同泄氣藥則破氣同消痰藥
則去痰同消食藥則化食各從其類以爲用也青皮乃橘之未
黃而小者氣味俱厚沉而降陰也入肝膽經削堅破滯是其所
長橘核能入肝經與青皮同功治腰痛癰疽在下之病不獨取
象於核也橘葉辛香能散肝胃滯氣婦人妒乳內外吹乳巖乳
癰用之皆效 橘皮同人參何首烏桂枝當歸薑皮治三日瘧

寒多 得白豆蔻生薑藿香半夏治胃有寒痰或偶感寒氣傷

冷食嘔吐不止 同人參白朮茯苓甘草山藥白豆蔻藿香麥

芽山查白朮豆治脾胃虛飲食不化或不欲食食亦無味 同

蘇子貝母枇杷葉麥冬沙參桑白皮栝樓根五味子百部治上

氣欬嗽能消痰下氣 同枳殼烏藥木香草豆蔻檳榔治氣實

人暴氣壅脹 同茅朮厚朴甘草爲平胃散治胃中脹滿 入

二陳湯治脾胃溼痰及寒痰飲 青皮同人參鼈甲能消瘧

母 同枳殼肉桂川芎治左脇痛 同人參白朮三稜蓬莪朮

阿魏礬紅山查紅麴木香消疰癖氣塊及一切肉食堅積 橘



腰痛

癰癧

核同杜仲等分炒研末每服二錢鹽酒下治腰痛 橘葉鮮者

洗搗絞汁一盞治肺癰服之吐出膿血即愈 橘皮氣味辛溫

能耗真氣凡中氣虛氣不歸元者忌與耗氣藥同用胃虛有火

嘔吐不宜與溫熱香燥藥同用陰虛欬嗽生痰不宜與半夏南

星等同用青皮其性酷烈善破脇下小腹之滯氣然誤服之立

損真氣爲害不淺凡欲施用必與補脾藥同用庶免遺患必不

可單行也肝脾氣虛者概勿施用

芡實味甘平瀉無毒主溼痺腰脊膝痛補中除暴疾益精氣強志

令耳目聰明治小便不禁遺精白濁帶下久服輕身不飢耐老

芡實稟水土之氣入脾腎經補脾胃固精氣之藥也

君山藥

茯苓白朮人參蓮肉薏苡仁白朮豆爲補脾胃要藥

一陳摯

末熬金櫻子煎和丸服名水陸丹補下元益人

同茯苓蓮肉

秋石各二兩爲末蒸棗和丸梧子大名四精丸每服三十九空

心鹽湯下治思慮色欲過度損傷精氣小便數遺精 小兒不

宜多食以其難消化也

大棗味甘平無毒主心腹邪氣安中養脾助十二經平胃氣通九

竅補少氣少津液身中不足大驚四肢重和百藥補中益氣堅志

強力除煩悶療心下懸除腸澼久服輕身延年

大棗得土之沖氣感天之微陽氣味俱厚陽也入脾胃經甘能
補中溫能益氣故補脾胃而生津液也 同小麥甘草水煎服
治婦人臟燥悲傷欲哭象若神靈數欠者 雖能補脾胃而益
氣然味過於甘中滿者忌之小兒疳病不宜食齒痛及患痰熱
者不宜食生者尤不利人多食致寒熱

梅實味酸平無毒主下氣除熱煩滿安心止肢體痛偏枯不仁死
肌去青黑痣蝕惡肉止下痢好唾口乾

梅實卽烏梅也得木氣之全其味最酸所謂曲直作酸是也酸
能斂虛火化津液入肝養筋固腸脫故主如上等證其主去死

肌青黑瘰蝕惡肉者皆白梅之功白梅味鹹能軟堅也宏景曰

生梅烏梅白梅功用大略相似第烏梅較良資用更多

烏梅

同黃連白芍滑石甘草蓮肉白藕豆葛根升麻紅麴橘紅作丸

治滯下如神

一味作湯代茶飲治火炎頭痛

入仲景烏梅

火炎頭痛

瘰肉

丸治虻厥

一味燒灰傳蝕惡瘡肉惡肉立盡

同黃連等

赤痢腹痛

分煉蜜丸梧子大每米飲下二十九治赤痢腹痛

白梅一箇

霍亂

和仁搗碎入絲瓜葉一葉或藕豆葉再搗爛用新汲水調治暑

氣霍亂灌下即解

素問云味過於酸肝氣以津又云酸走筋

筋病人無多食酸雖能生津泄肝然酸味斂束違其所喜也不



宜多食齒痛及病當發散者咸忌之

木瓜味酸溫無毒主溼痺脚氣霍亂大吐下轉筋不止

木瓜得春生之氣稟曲直之化氣薄味厚降多於升陽中陰也

入肝脾胃經酸溫能和脾胃兼入肝而養筋所以能療肝脾所

生之病藏器治脚氣衝心強筋骨止嘔逆日華主吐瀉水腫心

腹痛好古治腹脹善噫心下煩痞皆取其去溼和胃滋脾益肺

利筋骨調榮衛通行收斂有並行不悖之功也得白藕豆藿

香荻荅橘皮白梅人參白朮甘草砂仁香薷治傷暑霍亂吐瀉

不止加石斛丁香治轉筋同當歸石斛牛膝續斷芍藥橘皮



楊梅結毒

楊梅瘡

治血虛轉筋 同薏苡仁白朮茯苓五加皮石斛萆薢黃柏治

溼熱腳氣 同人參茯苓麥冬藿香白豆蔻竹茹枇杷葉治胃

虛嘔吐 一味爲末白湯吞三錢日五服治楊梅結毒有效

八六和湯治暑月霍亂 一味爲末用鰾魚身上涎調貼翻花

痔瘡以紙護住 下部腰膝無力由於精血虛眞陰不足者不

宜用傷食脾胃未虛積滯多者不宜用

柿味甘澇寒無毒主通鼻耳氣腸澇不足 乾柿寒氣稍減厚腸

胃補不足潤肺止渴 柿霜味甘寒主清心肺熱生津止渴化痰

寧嗽喉舌口瘡 柿蒂味澇平無毒主欬逆噦氣



藏毒下血

反胃吐食

欬逆噦氣

柿稟地中陰氣以生入肺脾經四者所主雖不同總之其功長於清肅上焦火邪兼能益脾開胃其源皆歸於一義也

乾柿

燒灰飲服二錢治臟毒下血 獨用三枚連蒂搗爛酒服治翻

胃吐食 柿霜同桑根白皮百部天冬麥冬沙參貝母蘇子枇杷

杷葉橘紅栝樓根作丸噙化治肺經有火咳嗽生痰 柿蒂單

用煮汁飲治欬逆噦氣取其苦溫能降逆氣也 柿性寒涼凡

肺經無火因客風寒作嗽者忌之冷痢滑泄腸胃虛脫者忌之

脾家素有寒積及感寒腹痛感寒嘔吐者皆不得服不宜與蟹

同食令人腹痛作瀉

枇杷葉味苦平無毒主卒。哕。不止下氣。肺氣熱嗽和胃。

枇杷葉稟天地清肅之氣故四時不凋氣薄味厚陽中之陰降

也入肺胃經經曰諸逆衝上皆屬於火火氣上炎則爲卒哕哕

者噦也其聲濁惡而長又云樹枯者葉落病深者聲噦病者見

此是爲危證此葉性涼善降氣降胃安哕得止也其治嘔吐不

止產後口乾肺熱咳嗽喘息氣急腳氣上衝皆取其下氣之功

也同生地麥冬白芍炙甘草枸杞子桑白皮童便茅根天冬

蘇子五味子栝樓根治陰虛欬嗽吐血同木通款冬花紫苑

杏仁桑白皮各等分大黃減半如常治訖爲末蜜丸櫻桃大名



噤化丸治肺熱久嗽身熱如炙肌瘦將成勞者食後夜臥各含

化一丸 同竹茹木瓜蘆根汁石斛麥冬人參茯苓治胃熱嘔

吐加童便人乳竹瀝蘇子白芍蔗漿治噎膈反胃 同白芍生

地青蒿子五味子黃柏阿膠枸杞子杜仲丹皮鼈甲作丸治婦

人經行先期發熱無孕 同人參白芍茯苓竹茹橘紅蘇子麥

冬木瓜治妊娠惡阻 同栝樓根天冬枸杞子五味子石斛白

芍黃連甘草蘆根汁童便竹葉治消渴 胃寒嘔吐及肺感風

寒咳嗽者法並忌之

荔枝核味甘溫瀉無毒主心痛小腸氣痛癰疽氣痛婦人血氣痛